

# CENTRALNA IZBORNA KOMISIJA BOSNE I HERCEGOVINE

Na osnovu člana 2.9 stav (1) tačka 9. i člana 5.32 Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine na 81. sjednici, održanoj 06.11.2018. godine, d o n o s i

## ODLUKU O POTVRĐIVANJU REZULTATA OPĆIH IZBORA U BOSNI I HERCEGOVINI 2018. GODINE

### Član 1.

(1) Centralna izborna komisija Bosne i Hercegovine **potvrđuje rezultate Općih izbora u Bosni i Hercegovini 2018. godine**, koji su održani 07. oktobra 2018. godine, za:

- a) Predsjedništvo Bosne i Hercegovine,
- b) Predstavnički dom Parlamentarne skupštine Bosne i Hercegovine,
- c) Predstavnički dom Parlamenta Federacije Bosne i Hercegovine,
- d) Predsjednika i potpredsjednike Republike Srpske,
- e) Narodnu skupštinu Republike Srpske i
- f) Skupštine kantona u Federaciji Bosne i Hercegovine:

- 1) Unsko-sanski kanton,
- 2) Posavski kanton,
- 3) Tuzlanski kanton,
- 4) Zeničko-dobojski kanton,
- 5) Bosansko-podrinjski kanton Goražde,
- 6) Srednjobosanski kanton,
- 7) Hercegovačko-neretvanski kanton,
- 8) Zapadnohercegovački kanton,
- 9) Kanton Sarajevo i
- 10) Kanton 10.

### Član 2.

(1) Sastavni dio ove odluke je **Izvještaj o rezultatima glasanja za svaki izborni nivo iz člana 1. stav (1) tačka a), b), c), d), e) i f) ove odluke, sa dodijeljenim mandatima i imenima kandidata unutar političkih subjekata.**

(2) Jedan preostali nedodijeljeni mandat za Predstavnički dom Parlamenta Federacije Bosne i Hercegovine, utvrđen primjenom člana 10.1 stav (3) Izbornog zakona Bosne i Hercegovine, bit će potvrđen dopunom ove odluke nakon pravosnažnosti Odluke donesene 05.11.2018. godine o III izmjeni odluke broj: 05-1-07-1-1274-1/18 od 22.10.2018. godine o utvrđivanju i objavi rezultata Općih izbora u Bosni i Hercegovini 2018. godine.

(3) Jedan preostali nedodijeljeni mandat za Narodnu skupštinu Republike Srpske, utvrđen primjenom člana 11.1 stav (2) Izbornog zakona Bosne i Hercegovine, bit će potvrđen dopunom ove odluke nakon pravosnažnosti Odluke donesene 05.11.2018. godine o izmjeni stava (1) alineja 1 odluke o II izmjeni odluke broj: 05-1-07-1-1274-1/18 od 22.10.2018. godine o utvrđivanju i objavi rezultata Općih izbora u Bosni i Hercegovini 2018. godine.

### Član 3.

Ova odluka stupa na snagu danom donošenja i objavit će se u „Službenom glasniku BiH“, „Službenom glasniku RS“, „Službenim novinama F BiH“, „Službenom glasniku Brčko distrikta BiH“ i na internet-stranici Centralne izborne komisije BiH [www.izbori.ba](http://www.izbori.ba).

Broj: 05-1-07-1-1327-1/18

Sarajevo, 06. novembra 2018. godine



Predsjednik

Branko Petrić